

Ungdom i oppfølgingstenesta 2022–2023

Talet på ungdommar i oppfølgingstenesta aukar

Talet på ungdommar i oppfølgingstenesta aukar for andre år på rad, men er framleis lågare enn før pandemien. I juni 2023 var det 14 800 ungdommar i oppfølgingstenesta, ei auke på 9 prosent samanlikna med i fjor.

STATISTIKK | Sist endret: 29.06.2023

[Sjå fleire tal i statistikkbanken på udir.no.](#)

Hovudfunn

- Det er fleire ungdommar i oppfølgingstenesta for andre år på rad, men framleis færre enn i 2019, før pandemien.
- Auka er størst blant dei yngste ungdommane.
- 2 av 5 ungdommar kjem i aktivitet i løpet av skoleåret, dei fleste av desse er i tiltak.
- Halvparten av ungdommane er i oppfølgingstenesta to år på rad. Dette er på same nivå som tidlegare år.


Fleire ungdommar i oppfølgingstenesta for andre år på rad

I koronaåra var det ein tydeleg nedgang i talet på ungdommar i oppfølgingstenesta. No ser vi at talet på ungdommar igjen aukar. Det er 700 fleire ungdommar i alderen 17 eller yngre i oppfølgingstenesta i år enn i fjor. Dette er nesten 20 prosent fleire enn i fjor. Om lag halvparten av desse ungdommane avbryt utdanninga si.

Færre ungdommar i oppfølgingstenesta dei siste 10 åra

Sjølv om talet på tilmeldte ungdommar i oppfølgingstenesta auka for andre år på rad, er talet framleis 4 500 færre enn for 10 år sidan. Det er ein nedgang på 23 prosent og kan sjåast i samanheng med auka gjennomføring i vidaregåande opplæring og lågare årskull. Under pandemien heldt talet på ungdommar i oppfølgingstenesta fram med å falla. Talet på ungdommar i oppfølgingstenesta har auka igjen dei siste to åra, men er framleis lågare enn før pandemien.

Talet på ungdommar i oppfølgingstenesta dei siste 10 åra, målt i juni



Kilde: Utdanningsdirektoratet

	2014	2015	2016	2017	2018	2019	2020
Tal på ungdommar	19 255	19 018	18 334	17 978	16 931	15 038	13 871

Frå 2022 til 2023 var det 3 000 (1,2 prosent) fleire ungdommar i Noreg i alderen 17 til 20 år. 5,7 prosent av alle ungdommar i Noreg mellom 17 og 20 år var i juni 2023 registrert i oppfølgingstenesta, som inneber at dei ikkje gjekk på skole eller hadde jobb. Talet for 2022 var 5,3 prosent.

Mange har ikkje søkt om skole- eller lære plass

Over ein tredel av ungdommane, 35 prosent, vart kontakta av oppfølgingstenesta fordi dei ikkje hadde søkt skole- eller lære plass. Delen som ikkje hadde søkt skole - eller lære plass er høgare blant gutar enn jenter. 30 prosent, eller 4 400 ungdommar, vart kontakta fordi dei slutta i skole eller lære i løpet av skoleåret. Dei resterande ungdommane har enten takka nei til plassen dei fekk (14 prosent), eller har andre grunnar til å ikkje vera i opplæring eller arbeid (21 prosent).

Fleirtalet av dei yngste er i oppfølgingstenesta fordi dei slutta i skole eller lære i løpet av skoleåret. Det gjeld nesten halvparten av dei som er 17 år eller yngre. Berre 14 prosent i den yngste aldersgruppa er i oppfølgingstenesta fordi dei ikkje har søkt vidaregåande opplæring. Blant dei eldste er det omvendt, 63 prosent av 20-åringane er tilmelde oppfølgingstenesta fordi dei ikkje har søkt vidaregåande opplæring, mens berre 13 prosent avbraut opplæringa i løpet av skoleåret.

Om oppfølgingstenesta


Oppfølgingstenesta (OT) er ei fylkeskommunal teneste for ungdom under 21 år som har rett til vidaregåande opplæring, men som ikkje er i vidaregåande opplæring eller arbeid.

Oppfølgingstenesta har òg ansvaret for å koordinere og samordne den tverrfaglege innsatsen for desse ungdommane. Ansvarsområdet til oppfølgingstenesta er regulert i forskrift.

2 av 5 ungdommar i oppfølgingstenesta i aktivitet

Formålet med oppfølgingstenesta er å sørge for at ungdom i målgruppa får tilbod om opplæring, arbeid eller andre kompetansefremjande tiltak. I skoleåret 2022–2023 har 40 prosent av ungdommane byrja i opplæring, jobb eller tiltak etter å ha vore i kontakt med oppfølgingstenesta. Denne delen er 4 prosentpoeng høgare enn i juni 2019.

Status for ungdommar i oppfølgingstenesta, juni 2023




Kilde: Utdanningsdirektoratet

	Juni 2019	Juni 2023
Ukjend status	9%	9%
Under oppfølging og rettleiing	29%	28%
I aktivitet	36%	40%
Avklart	26%	22%

Det er stor variasjon mellom fylka både når det gjeld delen ungdommar dei ikkje har fått tak i (ukjend status) og delen som har komme i aktivitet. Delen ungdommar med ukjend status er høgst i Oslo med 40 prosent, mens han er lågast i Rogaland, Vestfold og Telemark og Innlandet. 64 prosent av ungdommane i Innlandet har komme i aktivitet i løpet av skoleåret, mens prosentdelen er 22 i Oslo.

Oversikt over ungdommar i oppfølgingstenesta per fylke, juni 2023



Kilde: Utdanningsdirektoratet

	Heile landet	Agder	Innlandet	Møre og Romsdal	Nordland	Oslo	Rogalan
Ukjend status	9,4%	4,0%	3,0%	4,1%	19,7%	39,6%	1,2%
Under oppfølging og rettleiing	28,5%	27,3%	22,1%	22,1%	28,9%	20,4%	31,1%
I aktivitet	39,9%	44,6%	64,5%	37,0%	32,6%	21,6%	48,4%
Avklart	22,1%	24,1%	10,4%	36,8%	18,8%	18,4%	19,4%


Mange kjem ikkje i aktivitet

Om lag 8 200 gutar og 6 500 jenter var registrerte i oppfølgingstenesta skoleåret 2022–2023. Ein større del gutar byrja i opplæring, jobb eller andre aktivitetstiltak enn jenter. Om lag 41 prosent av gutane og 39 prosent av jentene har komme i aktivitet.

Totalt var 24 prosent av ungdommane i tiltak i regi av Nav, og i tillegg var omtrent 5 prosent i ulike fylkeskommunale opplæringstiltak.

28 prosent av ungdommane har ikkje komme i aktivitet, men får oppfølging og rettleiing av oppfølgingstenesta. Nokre ungdommar har oppfølgingstenesta ikkje fått kontakt med. Dette gjeld 9 prosent av målgruppa til oppfølgingstenesta. Delen er høgare blant gutar enn jenter. Det er òg ei relativt stor gruppe, 9 prosent, som er sjuke eller i institusjon. Dette er 2 prosentpoeng mindre enn året før.

Ungdommar i oppfølgingstenesta, juni 2023



Kilde: Utdanningsdirektoratet

	Oppfølging og rettleiing	Arbeidspraksis/tiltak NAV	Ukjend status	Er syk/i institusjon	Takket nei til oppfølging	Fylkeskommunalt tiltak
Jenter	12,3%	9,7%	4,0%	4,9%	2,5%	2,8%
Gutar	16,2%	12,3%	5,5%	4,2%	4,0%	2,8%


Over halvparten er i oppfølgingstenesta to skoleår på rad

Gjengangarar er ungdommar som er registrerte i oppfølgingstenesta to skoleår på rad. Av dei ungdommane som var registrerte i oppfølgingstenesta ved slutten av skoleåret i 2022, er meir enn 54 prosent tilbake i juni 2023. Dette talet er eit prosentpoeng høgare enn året før.

Det er forskjellar mellom dei ulike aldersgruppene. Dei yngste ungdommane kjem raskare tilbake til skolebenken eller i jobb enn dei eldste. I 2023 var 52 prosent av dei som er 17 år eller yngre gjengangarar. 19-åringane er i større grad i oppfølgingstenesta to år på rad. I 2023 var 58 prosent av ungdommane på 19 år gjengangarar.

Delen ungdommar som er i oppfølgingstenesta to skoleår på rad varierer frå 58 prosent i Agder til 47 prosent i Oslo.

I oppfølgingstenesta to skoleår på rad, fordelt på fylker



Kilde: Utdanningsdirektoratet

	Agder	Innlandet	Møre og Romsdal	Nordland	Oslo	Rogaland	Troms og Finnmark
Fylke	58,0%	56,9%	55,0%	52,6%	46,9%	57,3%	51,3%
Heile landet	54,3%	54,3%	54,3%	54,3%	54,3%	54,3%	54,3%

Om statistikken

Statistikken viser kor mange ungdommar mellom 16 og 21 år som er registrerte i oppfølgingstenesta (OT). Ein tilmeldingskode angir årsaka til at ungdommen er registrerte i OT. Det kan vere ungdom som ikkje har søkt, som har takka nei, som har slutta i skole/lære eller av andre grunnar ikkje er i opplæring eller jobb. Statuskode angir kva som er hovudaktiviteten til ungdomen på rapporteringstidspunktet.

Statuskodane er delte inn i fire hovudgrupper:

- I aktivitet (ungdommar som har byrja i skole, arbeid eller tiltak)
- Avklart (ungdomen treng ikkje oppfølging på dåverande tidspunkt)
- Under oppfølging og rettleiing (ungdommar ein førebels ikkje har funne eit tilbod til)
- Ukjend (oppfølgingstenesta har ikkje fått kontakt med ungdomen)

I utrekninga av gjengangarar er ikkje 21- åringar med fordi dei ikkje lenger er i målgruppa til OT.

Fleire tal og analysar av gjennomføring

[Elevar som har slutta i vidaregåande opplæring \(Statistikkbanken\)](#)

[Gjennomføring av læretida \(Statistikkbanken\)](#)

[Gjennomføring i Utdanningsspeilet](#)

[Ungdom utan og utanfor vidaregåande opplæring \(Statistikkbanken\)](#)

[Overgang til vidaregåande opplæring \(Statistikkbanken\)](#)